

## **Abstrakt**

### **Revizioni kundër Aktgjykimit**

**Kandidati: Çlirim Idrizi**

**Mentori: Prof. Dr. Rustem Qehaja**

Në këtë punim kryesisht do të fokusohemi në trajtimin e revizionit si mjet i jashtëzakonshëm i goditjes së vendimeve në procedurën kontestimore, mjet ky i veçantë vetëm për këtë procedurë.

Me qëllim të trajtimit sa më të detajizuar të këtij mjeti, trajtimin do ta ndajmë në katër kapituj; Në kapitullin e parë do të bëjmë një shtjellim të revizionit si mjet i jashtëzakonshëm. Në kapitullin e dytë do t'i trajtojmë shkaqet e paraqitjes së revizionit. Kapitullin e tretë e kemi emërtuar “lejueshmëria e revizionit” dhe në këtë kapitull do t'i trajtojmë rastet kur paraqitjen e revizionit e bëjnë të palejueshëm, e kemi emërtuar kapitullin me “lejueshmëria e revizionit” sepse në parim revizioni është i lejuar. Ndërsa për fund, në kapitullin e katërt do të flasim për mënyrën e vendosjes në procedurën sipas revizionit, ku do ta trajtojmë më në detaje mënyrën e vendosjes kur revizioni është i palejueshëm dhe mënyrën e vendosjes kur revizioni është i themeltë apo i pathemeltë.

Gjatë tërë punimit do të fokusohemi më shumë në dispozitat e ligjit, pastaj për trajtim sa më të thelluar të temës do të ndihmohemi me komantarë, libra dhe materiale tjera të ngjashmenë këtë punim do të trajtojmë vendime të gjykatave të cilat na shërbejnë që ta kuptojmë se si aplikohet një dispozitë e caktuar në praktikë.

Poashtu gjatë tërë këti punimi do të mundohem që dispozitat e ligjit t'i komentoj në mënyrë që kuptimi i thelbit të dispozitës dhe kuptimi i qëllimit të dispozitës të kuptohen sa më lehtë, dhe poashtu do të mundohem që të jap mendimin tim se si duhet të aplikohen dispozitat e caktuara nga gjykata dhe si duhet të bëhet ndërlidhja e dispozitave të ligjit.

Qëllimi final i këtij punimi është që t'ju shërbej të gjithë juristëve, pa marrë parasysh nivelin të tyre akademik, që ta kuptojnë se si rregullohet revizioni si mjet i jashtëzakonshëm i goditjes së vendimeve sipas legjislacionit tonë dhe si aplikohen dispozitat e tij në praktikën gjyqësore.

Fjalët kyçe: Revizioni, mjetet e goditjes së vendimeve, mjetet e jashtëzakonshme të goditjes së vendimeve, Ligji për Procedurën Kontestimore, Gjykata Supreme, Aktgjykim.